

Četvrta avio-bomba pronađena kod RTV doma u Sarajevu



Na gradilištu iza RTV doma u Sarajevu jutros je pronađena je još jedna avio-bomba težine 500 kilograma, a riječ je o četvrtoj napravi zaostaloj iz Drugog svjetskog rata pronađenoj na istoj lokaciji u posljednjih šest dana, javlja Anadolu Agency (AA).

Kako je za AA potvrdio direktor Federalne uprave civilne zaštite (FUCZ) Fahrudin Solak pronađena avio-bomba nalikuje onim koje prethodnih dana otkrivene.

“Ona stoji skroz uspravno i biće veoma zahtjevno da se izvadi iz zemlje, ali vidjećemo šta možemo uraditi. Treba se sve oko okopati i pregledati sam upaljač. Ovaj put će biti veoma zahtjevno”, kazao je Solak.

Pripadnici FUCZ jučer su uspješno deaktivirali treću pronađenu avio-bombu, čiji je transport obavljen sinoć oko 20.00 sati.

Podsjećamo, prošlog četvrtka i subote radnici su pronašli dvije bombe, koje su ekipe FUCZ-a potom uspješno “razoružale”. (AA)

Date: 11-09-2019